

Broj: 01-03-7647-2/21

Sarajevo, 02.07.2021.

Na osnovu člana 8. Zakona o javnim nabavkama („Službeni glasnik BiH“ 39/14) i Pravilnika o postupku dodjele ugovora o uslugama iza Aneksa II dio B Zakona o javnim nabavkama („Službeni glasnik BiH“ 66/16) vd generalni direktor JU Dom zdravlja Kantona Sarajevo raspisuje:

**POZIV PONUĐAČIMA ZA DOSTAVU PONUDA
ZA VRŠENJE USLUGA – SANITARNOG PREGLEDA ZAPOSLENIKA
i KONTROLA STERILIZATORA**

Broj: AIIB 02/21

I

Pozivaju se svi zainteresirani ponuđači koji ispunjavaju uslove da dostave svoje ponude za usluge Sanitarni pregled zaposlenika cca 2.100 osoba i Kontrola ispravnosti uređaja za sterilizaciju korištenjem spora 220 sterilizatora, za potrebe Javne Ustanove Dom Zdravlja KS, preciziranih u tehničkoj specifikaciji u tački II poziva, najkasnije do **19.07.2021. godine**.

II

Procijenjena vrijednost nabavke na koju će ugovorni organ sklopiti ugovor: 27.400,00 KM bez PDV-a za period od jedne godine.

Poziv za učešće se upućuje svim ponuđačima koji raspolažu odgovarajućim i potrebnim sredstvima za realizaciju i organizovanje sanitarnog pregleda zaposlenika.

Sanitarni pregled obuhvata:

- uzimanje materijala i bakteriološki pregled brisa nosa i grla na poigenistafilokok i betahemolitički streptokok grupe A (kliconoštvo)
- uzimanje materijala i bakteriološki pregled brisa nosa i grla na poigenistafilokok i betahemolitički streptokok grupe A (kliconoštvo) i pregled stolice;
- uzimanje materijala kulture spore, uzorkovanje; kontrola ispravnosti sterilizacije spore;

III

Predviđeno je sklapanje ugovora na period od 12 mjeseci sa sukcesivnim izvršenjem usluge.

Ugovor će se primjenjivati od dana potpisivanja ugovornih strana.

IV

Nakon dostavljanja poziva ili ponuda ne vrše se pregovori.

V

Ponuđač se obavezuje da će mjesto i vrijeme pružanja usluga sanitarnog pregleda uposlenika i kontrolu spora odrediti prema potrebama i dinamici Ugovornog organa.

VI

Uslovi za kvalifikaciju ponuđača:

- 1) Minimalni uslovi za kvalifikaciju ponuđača:

1.a Lična sposobnost – član 45 Zakona : član 45. stav (1) tačke c) i d) Zakona

Uslovi:

Da bi učestvovao u konkretnom postupku javne nabavke, ponuđač mora zadovoljavati slijedeći uslov koji se odnosi na ličnu sposobnost i to:

c) da je ponuđač ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu s važećim propisima u Bosni i Hercegovini ili propisima zemlje u kojoj je registriran;

d) da je ponuđač ispunio obaveze u vezi s plaćanjem direktnih i indirektnih poreza, u skladu s važećim propisima u Bosni i Hercegovini ili zemlji u kojoj je registriran;

Dokazi:

Ponuđač, u svrhu dokaza o ispunjavanju prethodnih uslova lične sposobnosti (član 45. stav (1) tačke c) i d) Zakona), dužan je, u ponudi, dostaviti izjavu ovjerenu kod nadležnog organa (sud notar ili općina). Ovjerena izjava ne smije biti starija od 15 (petnaest) dana od dana predaje ponude.

- Obrazac Izjave o ispunjenosti uslova iz člana 45. stav (1) tač. c) i d) Zakona, je sastavni dio ovog javnog poziva u obliku Aneksa broj 3. Javnog poziva.

- Ponuđač će biti isključen iz daljeg učešća zbog neispunjavanja navedenog uslova za kvalifikaciju, ukoliko se u ponudi ne dostavi navedena Izjava, na način na koji je traženo.

- Napominje se da ako ugovorni organ bude imao sumnje o postojanju okolnosti vezanih za ličnu sposobnost ponuđača, isti će se obratiti nadležnim organima s ciljem pribavljanja potrebnih informacija u predmetnom postupku.

- Za ponuđače čije je sjedište izvan Bosne i Hercegovine ne traži se posebna nadovjera dokumenata koji se zahtijevaju u stavu (2) člana 45. Zakona.

Ugovorni organ će odbaciti ponudu ako:

a) ponuđač nije ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu s važećim propisima u Bosni i Hercegovini ili propisima zemlje u kojoj je registriran;

b) ponuđač nije ispunio obaveze u vezi s plaćanjem direktnih i indirektnih poreza, u skladu s važećim propisima u Bosni i Hercegovini ili zemlji u kojoj je registriran.

Napominje se da se ponuda odbija ako ugovorni organ, na bilo koji način, dokaže da je ponuđač bio kriv za težak profesionalni propust počinjen tokom perioda od tri godine prije početka postupka, posebno, značajni i/ili nedostaci koji se ponavljaju u izvršenju bitnih zahtjeva ugovora koji su doveli do njegovog prijevremenog raskida, nastanka štete ili drugih sličnih posljedica zbog namjere ili nemara privrednog subjekta određene težine.

2. Sposobnost obavljanja profesionalne djelatnosti – u smislu člana 46 Zakona:

Uslovi:

Da bi učestvovao u konkretnom postupku javne nabavke, ponuđač mora zadovoljavati sljedeći uslov sposobnosti obavljanja profesionalne djelatnosti i to:

a) da je registrovan za obavljanje djelatnosti koja je predmet ove nabavke.

Ponuđač je uz ponudu dužan dostaviti dokaz o obavljanju registrovane djelatnosti koja je predmet nabavke (ovjerena kopija originala, s tim da datum izdavanja originala ne može biti stariji od 3(tri) mjeseca računajući od dana dostavljanja ponude.

- za ponuđače iz BIH: Ponuđač u svrhu dokaza o ispunjavanju uslova iz člana 46. Zakona dužan je dostaviti Aktuelni izvod iz sudskog registra ili izjavu/potvrdu nadležnog organa iz koje se vidi da je ponuđač registrovan za obavljanje djelatnosti koja je predmet ove nabavke.

- za ponuđače čije je sjedište izvan BIH: odgovarajući dokument koji odgovara zahtjevu iz člana 46. Zakona, a koji je izdat od nadležnog organa, sve prema važećim propisima zemlje sjedišta ponuđača/zemlje u kojoj je registriran ponuđač.

Navedeni dokazi sposobnosti obavljanja profesionalne djelatnosti iz ove tačke Javnog poziva se dostavljaju kao ovjerena kopija originala, s tim da datum izdavanja originala ne može biti stariji od tri mjeseca računajući od dana dostavljanja ponude (pod danom dostavljanja ponude smatra se dan/datum, koji je Ugovorni organ, odredio u ovom Javnom pozivu kao dan/datum za prijem ponuda).

U slučaju da se u ponudi ne dostave navedeni dokazi sposobnosti obavljanja profesionalne djelatnosti iz ove tačke Javnog poziva ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenih uslova za kvalifikaciju.

Da bi učestvovali u predmetnoj proceduri javne nabavke, ponuđači trebaju dostaviti sljedeće dokaze:

- 1) Aktuelni izvod iz sudskog registra ili izjavu/potvrdu nadležnog organa iz koje se vidi da je ponuđač registrovan za obavljanje djelatnosti koja je predmet ove nabavke (ovjerena kopija originala, s tim da datum izdavanja originala ne može biti stariji od tri mjeseca računajući od dana dostavljanja ponude)
- 2) Obrazac za ponudu (Anex 1)
- 3) Obrazac za cijenu ponude (Anex 2)
- 4) Izjava o ispunjenosti uslova iz člana 45. Stav (1) tačka c) i d) Zakona (lična sposobnost), sačinjena i popunjena u skladu sa šemom koja je data u Anexu 3 Zahtjeva za dostavu ponuda, ovjerena i potpisana od strane nadležnog organa (sud, notar ili općina), ne starija od 15 (petnaest) dana od dana dostavljanja ponude;
- 5) Obrazac pismene izjave iz člana 52. Zakona, sačinjen i popunjen u skladu sa šemom koja je data u Anexu 4 Zahtjeva za dostavu ponuda, ovjerena i potpisana od strane nadležnog organa (sud, notar ili općina), ne starija od 15 (petnaest) dana od dana dostavljanja ponude;

VII
Kriterij za izbor ponude je najniža cijena.

VIII
Opcija ponude je najmanje 90 dana od dana dostavljanja ponude.

IX
Ugovorni organ će nakon prijema ponuda formirati Komisiju nadležnu za vođenje postupka, u skladu sa članom 8, stav (1) Pravilnika o postupku dodjele ugovora o uslugama iz Aneksa II dio B ZJN. Komisija će nakon isteka roka za prijem ponuda izvršiti otvaranje i analizu istih. Nakon izvršene analize ponuda, Ugovorni organ će obavjestiti ponuđače o rezultatu postupka nabavke, a Odluku objaviti na svojoj web stranici.

X
Ponuda, svi dokumenti i korespondencija u vezi sa ponudom između ponuđača i Ugovornog organa moraju biti napisani na jednom od službenih jezika u Bosni i Hercegovini. Ugovorni organ će pristupiti zaključenju ugovora sa izabranim ponuđačem po isteku žalbenog roka uskladu sa odredbama Trećeg dijela Zakona o javnim nabavkama - Pravna zaštita.

Ponuđači svoje ponude trebaju da dostave na adresu: Vrazova 11, 71000 Sarajevo (Protokol Ustanove) najkasnije do 19.07.2021. godine do 10:00 h.

Otvaranje 19.07.2021. godine u 12:00 h Vrazova 11, IV sprat.

XI
Uz ovaj poziv nema dodatne dokumentacije

XII

JU Dom zdravlja KS će po prijemu ponude ili poziva i u skladu sa raspoloživim finansijskim sredstavima, izvršiti izbor ponuđača koji najpribližnije odgovara zahtjevima i potrebama ugovornog organa. Ispostavljeni račun od strane ponuđača će se smatrati sklopljenim ugovorom.

XIII

Kontakt osobe ispred ugovornog organa:

Melisa Krnić, tel. 033/ 292-689

E-mail: melisa.krnic@judzks.ba;

Alma Kapo, tel.033/292-643

E-mail: alma.kapo@judzks.ba



V.D. GENERALNI DIREKTOR

Mr. sc. med. prim. dr. Amela Kečo

Amela Kečo

W

U
Z
S

a